



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

11. De conversione panis in corpus.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

edendus est hic cælestis Agnus ; sed & animam significat, in quam Christus per Sacramentum Eucharistiæ venit, quam charitate amplam esse oportet, ac stratam, ornatamque omni genere virtutum, tanquam cælum stellis. Non nominatur Dominus cœnaculi, quia apud Deum nihil interest, quisquis ille sit, quoad alios titulos, magnus an parvus, dum præbeat Christo idoneum hospitium.

Denique id cœnaculum evasit in domum orationis ; indeque prodire primò ad annuntiandum Evangelium. Sic anima per Eucharistiam fit Dei templum, indeque ad communicandum etiam alijs, quæ à Deo acceperit, foras prodit.

PUNCTUM III.

Convivæ fuerunt Apostoli, & inter eos Judas, qui suo facinori intentus, quæ dicebantur à Christo, non attendebat; nec si attendisset, credidisset, & ita ut panem communem accepit; contra alij devotè, & reverenter. Sed & jam qui manducat, & bibit indignè, instar Judæ, reus erit corporis, & sanguinis Domini, quasi illum prodidisset.

Judas etiam communicavit sed indignè. I. Cor. 11. 17

MEDITATIO XI.

De Conversione panis in Corpus Christi.

C 4

PUN-

PUNCTUM PRIMUM.

Quomodo in eo facto eluceat infinita Dei
 Majestas? 1. *Sapientia*, ut quemadmodum
 invenit modum conjungendi res dissitissimas,
 Deum & hominem in unitate personæ divinæ
 per incarnationem, ad salutem nostram optima
 ratione perficiendam; ita etiam invenit modum
 seipsum exhibendi jam hominem factum, in
 speciem alimenti ad nostram spiritualem nutri-
 tionem & confortationem, & quandam nobis-
 cum admirabilem conjunctionem. 2. Infinita
potentia: nam momento substantia panis in
 Corpus Christi convertitur, ut sola maneant
 panis accidentia velantia Christi Corpus atque
 sub ijs ita totus, ut sub quavis etiam particula ni-
 hilominus totum Corpus delitescat per ineffa-
 bilem unionem cum ipsis panis speciebus. Quod
 fieri posse ut credamus, sufficit eius omnipoten-
 tia: ut etiam factum esse sufficit ejus affirma-
 tio, cum ait: *hoc est Corpus meum*. Et hæc tanta
 operatur, ut me servum, atque vermiculum alat
 in vitam æternam. 3. *Bonitas, & Charitas*. Nam,
 sicut *Pater æternus* commendat charitatem su-
 am, qua sic dilexit *Mundum*, ut *Filium suum u-*
nigenitum daret: ita unigenitus ejus com-
 mendat suam, qua seipsum nobis intimè fruen-
 dum donat in hoc Sacramento. Porro, donan-
 do corpus suum, utique omnia simul, sangui-
 nem, animam, divinitatem, quæ cum corpore
 & in corpore ejus sunt, merita etiam, & satis-
 factio-

1.
Dei sa-
pientia.

2.
Potentia

3.
Bonitas.
Joan. 3.
16.

quæ etiam nunc retinet, sed splendentia & gloriosa, in quæ introduci petam, & abscondi.

PUNCTUM III.

Apostolorum fides.

Quomodo Apostoli comunicaverint. **C**redendum est, ubi Christus Corpus suum consecravit, simul interno lumine mentes discipulorum illustrasse, ut crederent, & singulari modo apprehenderent ejus mysterij veritatem: unde maxima cum reverentia, & submissione illud de Christi manibus acceperint: deinde (qui est fructus hujus divini Sacramenti) magna interius spirituali lætitia, & dulcedine fuisse perfosos. Solus Judas, ut indignus, ita expers boni sensus & consolationis fuit.

Dulcedo spiritualis.

PUNCTUM IV.

Ipsè Christus communicat.

Quod Christus se etiam ipsum communicaverit, particulam Eucharistiæ sumens. Ita plures Sancti existimant. Solus ille tali hospite, id est, se ipso dignum hospitium fuit. Gavisus est, & gratulatus sibimet de tanto mysterio à se instituto, in sponsæ suæ Ecclesiæ tutissimum præsidium, & solatium singulare.

